



Broj: 02/1-50-1-22-51/10

Dana, 1.2.2010.

ZAPISNIK

sa 51. sjednice Ustavnopravne komisije Doma naroda Parlamentarne skupštine BiH održane 1.2.2010. godine s početkom u 13. sati.

Sjednici su prisustvovali članovi Komisije:

1. Ivo Miro Jović,
2. Slobodan Šaraba,
3. Zoran Koprivica,
4. dr Hilmo Neimarlija,

Sjednici je prisustvovao i sekretar Ustavnopravne komisije, dr. Zijad Hasić.

Sjednici, iz opravdanih razloga, nisu prisustvovali Sulejman Tihić, drugi zamjenik predsjedavajućeg Ustavnopravne komisije i dr Božo Ljubić, član Ustavnopravne komisije.

Od gostiju, sjednici Ustavnopravne komisije prisustvovali su: Vildana Bakšić, OSCE Sekcija za nadzor i podršku radu Parlamenta, parlamentarni monitor; Mustafa Bisić, pomoćnik ministra pravde BiH; Jugoslav Lalović, stručni savjetnik u Ministarstvu pravde BiH; Aleksandar Tomić, stručni savjetnik u Ministarstvu pravde BiH; Nedim Hogić, Pravni savjetnik USAID PSP; Fadil Fatić, zamjenik direktora Agencije za statistiku BiH; Medina Delalić iz Sektora za odnose s javnošću, Parlamentarne skupštine BiH:

Nakon kraće diskusije, na prijedlog predsjedavajućeg **Ive Mire Jovića**, članovi Ustavnopravne komisije su usvojili slijedeći

DNEVNI RED

1. Verificiranje Zapisnika 50. sjednice Komisije;
2. Razmatranje i dogovor o realiziranju ranije donesenih zaključaka;
3. **Prijedlog zakona o izmjenama Zakona o klasifikaciji djelatnosti u Bosni i Hercegovini**; predlagač Vijeće ministara BiH; (usaglašenost s Ustavom i pravnim sistemom: član 97. Poslovnika);
4. **Prijedlog prečišćenog teksta Zakona Bosne i Hercegovine o izvršenju krivičnih sankcija, pritvora i drugih mjera** (razmatranje i utvrđivanje prečišćenog teksta zakona u skladu s članom 26. stav (1) tačka i) Poslovnika Doma);
5. **Zahtjev Ustavnog suda Bosne i Hercegovine za izjašnjenjem o Zahtjevu Milorada Žiovkovića, predsjedavajućeg Predstavničkog doma Parlamentarne skupštine BiH za ocjenom ustavnosti člana 6. Zakona o Agenciji za osiguranje u Bosni i Hercegovini** ("Službeni glasnik BiH", broj 12/04) (razmatranje zahtjeva u skladu s članom 26. stav (1) tačka g) Poslovnika Doma);
6. **Realizacija zaključka s 3. sjednice u vezi oslobađanja poreza zaposlenih građana BiH u međunarodnim institucijama**, (realizacija u skladu s članom 26. stav (2) Poslovnika Doma naroda);
7. Ostala pitanja
 - a. **Zahtjev za autentičnim tumačenjem člana 52 stav (6) tačka a) Zakona o javnim nabavkama Bosne i Hercegovine**, ("Službeni glasnik BiH", br.: 49/04, 19/05, 52/05, 8/06, 24/06, 70/06) podnosioci Agencija za javne nabavke Bosne i Hercegovine i Ured za

razmatranje žalbi (autentično tumačenje zakona i drugog općeg akta, čl. 131.-134. Poslovnika Doma);

- b. **Dostava biletana Ustavnog suda BiH**
- c. **Inicijativa Centralne izborne komisije za provođenje javne rasprave o Prijedlogu zakona o sprečavanju sukoba interesa u institucijama Bosne i Hercegovine**, (realizacija u skladu s članom 26. stav (2) Poslovnika Doma naroda);

Ad. 1. Verificiranje Zapisnika 51. sjednice Komisije

Ivo Miro Jović, predsjedavajući Komisije, predložio je diskusiju o ovoj tački Dnevnog reda.

Nije bilo diskusije o Zapisniku 51. sjednice.

Nakon toga, Ustavnopravna komisija je jednoglasno usvojila Zapisnik 51. sjednice.

Ad. 2. Razmatranje i dogovor o realizaciji ranije donesenih zaključaka

U uvodu za ovu tačku dnevnog reda, **Ivo Miro Jović**, predsjedavajući Ustavnopravne komisije, predložio je da, po običaju, sekretar Komisije, prezentira stanje zaključaka i njihove realizacije.

Sekretar Komisije, **dr Zijad Hasić**, upoznao je članove Komisije o stanju zaključaka, konstatirajući da je članovima Komisije dostavio pismeni pregled zaključaka i njihove dosadašnje realizacije. On je ukazao na okolnost da se danas, na sjednici Ustavnopravne komisije, nalazi jedan zaključak, kao posebna tačka dnevnog reda.

Nakon toga uslijedila je diskusija.

Zoran Koprivica se interesirao za daljnju proceduru presude Evropskog suda za ljudska prava u slučaju „Sejdić i Finci“ od 22.12.2009.

Nakon kraće diskusije ocijenjeno je da se tekst Presude može naći na Internetu i da Kolegij Doma naroda nije ništa obavezao Ustavnopravnu komisiju, a da ćemo pratiti proceduru svih akata, koji su vezani za ovu problematiku.

Nakon toga, Ustavnopravna komisija je primila k znanju informiranje o realizaciji zaključaka.

Ad. 3. Prijedlog zakona o izmjenama Zakona o klasifikaciji djelatnosti u Bosni i Hercegovini; predlaže Vijeće ministara BiH; (usaglašenost s Ustavom i pravnim sistemom: član 97. Poslovnika)

U vezi ove tačke, predsjedavajući Ustavnopravne komisije, **Ivo Miro Jović**, istakao je sljedeće:

Vijeće ministara Bosne i Hercegovine, kao predlaže, dostavilo je 23.12.2009. Domu naroda Parlamentarne skupštine BiH Prijedlog zakona o izmjenama Zakona o klasifikaciji djelatnosti u Bosni i Hercegovini, radi razmatranja i usvajanja. On je ukazao na činjenicu da Prijedlog zakona Ustavnopravna komisija razmatra samo u dijelu usaglašenosti s Ustavom BiH i pravnim sistemom,

Nakon provedene rasprave, Ustavnopravna komisija Doma naroda Parlamentarne skupštine BiH jednoglasno je utvrdila sljedeće:

1. postoji ustavopravni osnov za donošenje Zakona o izmjenama Zakona o klasifikaciji djelatnosti u Bosni i Hercegovini;
2. ponuđeni tekst zakona usaglašen je sa Ustavom BiH i pravnim sistemom;
3. ponuđeni tekst zakona može se uputiti u daljnju zakonodavnu proceduru.

Ad. 4. Prijedlog prečišćenog teksta Zakona Bosne i Hercegovine o izvršenju krivičnih sankcija, pritvora i drugih mjera (razmatranje i utvrđivanje prečišćenog teksta zakona u skladu s članom 26. stav (1) tačka i) Poslovnika Doma):

Kao uvod za ovu tačku dnevnog reda, predsjedavajući Ivo Miro Jović istakao je našu obavezu, da zajedno s Ustavnompravnom komisijom Predstavničkog doma, utvrđujemo prečišćenje tekstove. Sekretar Ustavnompravne komisije, zajedno s sekretarom Ustavnompravne komisije Predstavničkog doma, te stručnjacima iz Ministarstva pravde BiH, pripremili su prečišćeni tekst. On je napomenuo da je Ustavnompravna komisija Predstavničkog doma na svojoj 90. sjednici od 18.1.2010. usvojila prečišćeni tekst Prijedloga zakona, te da postoji potreba da i naša Ustavnompravna komisija utvrdi prečišćeni tekst. Dao je ovaj materijal na diskusiju.

Nakon kraće diskusije, članovi Ustavnompravne komisije, shodno članu 26. stav (1) tačka i), utvrdili su jednoglasno prečišćeni tekst **Zakona Bosne i Hercegovine o izvršenju krivičnih sankcija, pritvora i drugih mjera**.

Ad. 5. Zahtjev Ustavnog suda Bosne i Hercegovine za izjašnjenjem o Zahtjevu Milorada Živkovića, predsjedavajućeg Predstavničkog doma Parlamentarne skupštine BiH za ocjenom ustavnosti člana 6. Zakona o Agenciji za osiguranje u Bosni i Hercegovini ("Službeni glasnik BiH", broj 12/04) (razmatranje zahtjeva u skladu s članom 26. stav (1) tačka g) Poslovnika Doma)

U vezi ovog predmeta, Ivo Miro Jović je istakao slijedeće:

Parlamentarna skupština Bosne i Hercegovine je dana 21.12.2009. godine primila Zahtjev Ustavnog suda Bosne i Hercegovine broj U-17/09 od 17.12.2009. godine, za dostavljanje mišljenja o Zahtjevu za ocjenom ustavnosti člana 6. Zakona o agenciji za osiguranje u Bosni i Hercegovini („Službeni glasnik BiH" broj 12/04), podnosioca predsjedavajućeg Predstavničkog doma Parlamentarne skupštine Bosne i Hercegovine dr Milorada Živkovića. Ovaj akt, Ustavnompravna komisija razmatra u smislu člana 26. stav (1) tačka g) Poslovnika Doma naroda). Predložio je raspravu o predmetu. Nakon rasprave Povjerenstvo nije podržalo **Zahtjev za ocjenu ustavnosti člana 6. Zakona o Agenciji za osiguranje u BiH, podnosioca: predsjedavajućeg Predstavničkog doma Parlamentarne skupštine BiH, dr Milorada Živkovića** (iako je s tri glasa „za“ i jednim glasom „protiv“ podržala zahtjev, ali članom 39 Poslovnika traženo je očitovanje predstavnika sva tri konstitutivna naroda, što ovdje nije bio slučaj).

Ad. 6. Realizacija zaključka s 3. sjednice u vezi oslobađanja poreza zaposlenih građana BiH u međunarodnim institucijama, (realizacija u skladu s članom 26. stav (2) Poslovnika Doma naroda);

O ovoj tački Dnevnog reda, Ivo Miro Jović istakao je slijedeće:

Ovaj zaključak datira još s treće sjednice Ustavnompravne komisije. U više navrata smo otvarali raspravu o njemu. I sada je vrijeme da se o zaključku očitujemo. Predložio je diskusiju o zaključku.

Zoran Perković, pomoćnik ministra vanjskih poslova u dužem elaboriranju o ovom zaključku, ponovio je historijat i ulogu zapošljavanja stranaca u međunarodnim organizacijama koje su zaključile sporazume s Ministarstvom vanjskih poslova BiH. Ministarstvo Vanjskih poslova BiH je uputilo dopis Vijeću ministara BiH da se ono opredjeli o memorandumima MIP-a prema međunarodnim organizacijama i o zakonskim odredbama u vezi poreza građana.

Slobodan Šaraba smatra potrebnim da se Vijeće ministara BiH očituje o pitanju oslobađanja poreza naših građana, zaposlenih u međunarodnim organizacijama, te da se opredjeli ili za izmjene zakona ili za izmjene memoranduma.

Nakon provedene rasprave, Ustavnopravna komisija Doma naroda Parlamentarne skupštine BiH jednoglasno je donijela slijedeći **zaključak**:

U vezi oslobađanja poreza naših građana zaposlenih u međunarodnim organizacijama Ustavnopravna komisija predlaže Domu naroda da donese zaključak koji obavezuje Vijeće ministara Bosne i Hercegovine da preispita Memorandum o razumijevanju od 1.7.2001. između Ministarstva vanjskih poslova BiH i Ureda Visokog predstavnika BiH, te eventualno, memorandume drugih međunarodnih organizacija, koji državljane Bosne i Hercegovine, zaposlene kod međunarodnih organizacija, oslobađa poreza na dohodak.

Ad. 7. Ostala pitanja

- a. **Zahtjev za autentičnim tumačenjem člana 52 stav (6) tačka a) Zakona o javnim nabavkama Bosne i Hercegovine**, ("Službeni glasnik BiH", br.: 49/04, 19/05, 52/05, 8/06, 24/06, 70/06) podnosioci Agencija za javne nabavke Bosne i Hercegovine i Ured za razmatranje žalbi (autentično tumačenje zakona i drugog općeg akta, čl. 131.-134. Poslovnika Doma)

U vezi ove tačke, **Ivo Miro Jović** je istakao slijedeće:

Ured za razmatranje žalbi je podnio zahtjev za autentično tumačenje člana 52. stav (6) Zakona o javnim nabavkama. Na drugoj Zajedničkoj sjednici obje ustavnopravne komisije, održanoj 18.5.2009. ocijenjeno je da norma člana 52. stav (6) Zakona o javnim nabavkama nije jasna, te je potrebno autentično tumačenje ove pravne norme. Ustavnopravna komisija Predstavničkog doma Parlamentarne skupštine BiH je na 90. sjednici održanoj 18.1.2010. jednoglasno prihvatila prijedlog predsjedavajućeg da se u roku od sedam dana organizira sastanak na kome će Sekretarijat Ustavnopravne komisije, zajedno s Zakonodavnim sektorom PS BiH, Agencijom za javne nabavke i Uredom za razmatranje žalbi utvrditi izmjene i dopune Zakona o javnim nabavkama.

Ovaj zaključak prihvaćen je od Ustavnopravne komisije, ter je odlučeno da se rješavanje ovog autentičnog tumačenja i dalje prati.

- b. **Dostava biltetana Ustavnog suda BiH**

U vezi ove tačke, sekretar Ustavnopravne komisije dr Zijad Hasić obavijestio je da je Ustavni sud BiH donirao više primjeraka biltena o svom radu članovima Komisije. On je predložio da članovi Ustavnopravne komisije private te biltenne kao svoju donaciju, što su prisutni i prihvatili.

- c. **Inicijativa Centralne izborne komisije za provođenje javne rasprave o Prijedlogu zakona o sprečavanju sukoba interesa u institucijama Bosne i Hercegovine**, (realizacija u skladu s članom 26. stav (2) Poslovnika Doma naroda)

Uvod u ovu tačku dnevnog reda, dao je dr Zijad Hasić ističući slijedeće:

Centralna izborna komisija Bosne i Hercegovine je dopisom broj 05-2-07-8-452/10 od 21.1.2010. predložila provođenje javne rasprave o Nacrtu zakona o sprečavanju sukoba interesa u institucijama BiH. Ukazao je na činjenicu da je Prijedlog zakona odbijen na prvom čitanju, na 70. sjednici Predstavničkog doma od 21.1.2010.

Nakon toga zaključeno je da je bespredmetno organizirati javnu raspravu ako zakon nije u parlamentarnoj proceduri.

Ustavnopravna komisija Doma naroda razmatrala je i dopis Udruženja mladih pravnika u BiH broj: 11/10 od 27.1.2010. kojim predlažu javno prezentiranje svog Završnog dokumenta i Amandmane na Ustav BiH.

Nakon kraće diskusije **zaključeno je da je Ustavnopravna komisija uvijek otvorena za ideje i subjekte koji se bave Ustavom BiH. Ustavnopravna komisija, traži od Udruženja njihov Završni dokument i amandmane na Ustav BiH, koji će poslužiti za informiranje članova Ustavnopravne komisije.**

Ustavnopravna komisija je razmatrala i aktivnosti za februar 2010. te ocijenila potrebnim izvršiti realizaciju posjete Tužilaštvu BiH. Sekretar Ustavnopravne komisije je upoznao članove da je već stupio u kontakt s Tužilaštvom BiH. On je saznao za podatak da bi najpovoljniji termin posjete bio do 20. februara ili od 25. do 28. februara.

Zatim je zaključeno da se uputi dopis glavnom tužiocu BiH i predloži termin posjete od 15 do 19. februara.

Nakon toga, konstatirano je da nema drugih prijedloga za ovu tačku dnevnog reda, pa je Ustavnopravna komisija završila svoju sjednicu u 14,20 sati.

SEKRETAR USTAVNOPRAVNE

KOMISIJE

dr. Zijad Hasić

PREDSJEDAVAJUĆI USTAVNOPRAVNE

KOMISIJE

Ivo Miro Jović s.r.